

Oqaluuserisassanut nassuiaat.

(Inatsisartut Siulittaasuut)

Inatsisartunut ilaasortat Vivian Motzfeldt, Jess Svane, Karl Tobiassen aamma Erik Jensen, tamarmik Siumut, Naalakkersuisutut atuuffimminnik isumaginninnerminni Inatsisartunit sulinngiffeqarnissaminnik qinnuteqarput.

Siumumit sinniisussat uku ataatsimiigiaqquneqarput:

Kuno Fencker,

Dines Mikaelson,

Jens Kristian Therkelsen aamma

Hans-Peter Poulsen.

Pineqartut qinigaasinnaanerat Qinigaanerup Misilinneqarnissaanut Ataatsimiititaliamit akuerineqarsimavoq.

Sinniisussat pineqartut Inatsisartunit akuerineqarnissaat matumuuna inassutigaaara.

Akerliusoqarnerluni?

Dines Mikaelson aamma Hans-Peter Poulsen, Inatsisartunut tikilluaritsi inissassinnullu ingillusi.

Angalaniarnikkut pissutsit pissutigalugit Kuno Fencher aamma Jens Kristian Therkelsen aatsaat ulloq 26. april ataatsimiinnernut peqataasinnaalissapput.

Mariane Paviasen, Inuit Ataqatigiit, Inatsisartunit sulinngiffeqarnini atorunnaarsippaa Inatsisartunullu uterluni. Inatsisartunut tikilluaqqigit.

Tamanna aamma isumaqarpoq Inuit Ataqatigiit sinniisussatut ilaasortaataat Adam Kristensen inuulluaqqusariaqaratsigu. Qujanaq angerlamullu apuulluarina.

Taasisarnerit pillugit uku akornanni isumaqatigiissuteqartoqarpoq: